

合肥縣志卷第三十

賜進士出身廬州府合肥縣知縣

流寓傳

南北朝

鮑照字明遠工詩曾讀書合肥梁縣鄉有鮑照讀書臺亦名明遠臺

舊志

宋

凌策字子奇宣州涇人家世貧微給事州縣策厲志好學宗族初不加禮因渡江與姚鉉同遊雍熙二年舉進士所至勤吏職處事精審官工部侍郎

舊志

三百四

合肥縣志卷三十

傳

姜夔字堯章鄱陽人有白石詞五卷爲南宋詞人之冠范石湖云白石有裁雲縫月之妙手敲金戛玉之奇聲趙子固黃叔暘沈伯時張叔夏諸名人俱極推重之流寓吳興合肥最久

新增

明

陳壽字本仁江西新淦人成化壬辰進士歷官南京兵部侍郎僑居合肥正德壬申流賊之亂官軍躡其後所過侵掠壽嘗以都御史經畧邊鎮官軍皆其麾下至合肥聞壽在邑中秋毫不敢犯邑賴無擾

舊志

沈純浙江湖州府長興縣人永樂間知合肥縣愛肥

邑湖山之勝遂家焉有一脈書香從浙水五花官誥寄肥川之句

舊志

國朝

杜純甲蜀人壬午授皖廬兵備道後隱於朝霞山與文士講布衣之歡

舊志

方鼎方超皆歙人家于廬善醫鼎尤神屢試輒效廬稱名醫必曰前有李恒後有方鼎超子仁亦有家法

舊志

韋尚賓字秋子巢縣人明末諸生也學問沈博志氣豪邁詩文名一時書參學蘇米國初道服遊天下

三百四

合肥縣志卷三十

傳

二

至邑南遇貢生汪廷貴傾蓋訂交遂寄其家歷三十年日與汪逍遙山水歌吟嘯呼嘗極飲大醉醉後迅筆疾書紙盡乃止醒則焚去客有贈金購書者尚賓揮金絕其人巢令楊敬慕之數具夫馬以請每往卽歸人問之答曰楊公雖尊禮然與吾林泉臭味終覺差池也著秋子詩文集竝古人論斷凡數十卷將卒謂汪曰身將隱焉用文之索其籍與版盡焚之焚畢長嘯而逝其歲康熙丁卯也汪卽毀其書屋葬之在縣南王家圩北楊具碑送于墓題曰韋處士之墓其文籍盡亡惟行草書間有得諸燼餘者世甚珍之以

下新增

吳詰字守誠丹徒人以優貢官廬陽訓導愛肥邑土風淳厚遂家焉子飛九宣城知縣

黃士升字天擢號蓉邨原籍休寧雍正丙午舉人分發廣西歷任岑溪遷江等縣既由軍功升上思州知州子告終養來肥家焉所著有存雅集者與諸名士倡酬之作也今府學生思贊卽其孫也

張繼曾號味青原籍霍山拔貢爲合肥訓導因家焉著有懷岳堂詩集

一百三十一

合肥縣志卷三十

傳

三

方外傳

唐

昇州長慶道巘禪師廬州人初侍光孝便領悟微言卽於湖南大光山剃度逮化緣彌盛出住長慶朝入伽藍暮成正覺

慧滿禪師貞觀間結庵於合肥之大蜀山嘗誦法華經忽有白衣造門曰我東海龍王少子也聞梵音故來聽法時適苦旱師令其降雨荅曰盜布天澤當殛死師曰汝舍此身以救民我誦此經以度汝言畢不見須臾雨澤沍沱越三日有龍死於山隅師收而葬

三百三十一

合肥縣志卷三十

傳

四

之民爲之立祠其後水旱祈之必驗

見方輿勝覽

義了合肥人姓鍾離嘗爲進士去從浮屠學名所居爲昨夢齋

明

張大悲添樓鄉人居香爐崖好神仙術語人間事及時雨輒中牧牛畫地爲限牛不能出常作泥丸自食坐臥處皆有雲氣遊於方外莫知所之

張以傑江西南昌人正德初至合肥白鶴觀闡道修鍊眾欽奉之尤善祈禱符籙

徐謙三吳鄉人善符籙呪驅風雷郡邑旱請禱輒應

知府龍誥贈詩云心上真機旋造化掌中神術滾風雷

常樂寺僧肥北鄉人隆萬間修淨土業苦行數十年久之積薪拾餘挑莫曉其旨至日沐浴辭大眾跏坐其上言貌如常眾環伺之僧張目曰何須爾俄見青碧焰光騰騰若電自日鼻中迸出燃柴燐其軀頃刻而盡獲舍利數十粒惜逸其名

林道人永貞觀羽客也踪蹟詭秘人莫能測每得錢與數丐傳瓢而飲終日酣醉箕踞而已同輩惡之莫與爲伍然臨終白日冲舉至今名其橋曰昇仙云

三百七

金龜縣志卷三十

傳

五

了然西門外三里庵僧目不識字口不譚經年七十九跌坐說偈曰我今去我今去不向幽泉一條路直上西方見如來好認從來真面目言畢而寂徒孫名法廣有戒行竝工文墨

五乳和尚上思弟子德璞傳臨濟宗住錫大蜀山開福寺闢草建刹復振慧滿宗風人咸重之

以上舊志

悟宗和尚居白衣庵苦行五十餘年精通內典嘗刺舌血寫華嚴經邑人李雲仍贈云燃指供諸佛骨燼助灰隱隱造多少眾生命脈刺血寫華嚴心枯古爛津津貫古今菩薩精神經猶藏白衣庵中

以下新增

履正和尚鳳陽人居南鄉寶勝寺苦行數十年忽忽有悟歲之豐歉天之晴雨詢之悉驗後坐化日沐浴解大眾寺旁有雲氣護焉

浮槎山僧正瑜戒律精嚴洞澈內典册甘露庵植松萬株而自築小室於旁居之寒暑不離其處邑士大夫罕有能見之者見則談古今忠孝事相勸勉詢以禪學則瞠目不語年六十六先期示寂時乾隆五十七年也越十二年龜壤啓視貌如生眾驚異乃金其身構室奉之

三百八

金龜縣志卷三十

傳

六

金龜縣志卷第三十